

Alkitab Sagan Kakanakan
Mengenal akan



Daniel
di Gua
Singa



Panulis: Edward Hughes

Nang manggambar: Jonathan Hay
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.


Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Darius raja hanyar di Babel. Inya pintar banar. Inya mamilih saratus dua puluh urang tabaik di karajaannya hagan mambantu pamarintahan. Lawan mamilih talu diantaranya jadi pananggungjawab. Daniel sabuting matan talu urang ngintu.



Raja Darius menghormati Daniel, inya bapikir hagan manjadikan Daniel panguasa matan saluruh karajaannya.



Pamimpin nang lain bahiri banar. Buhannya marancanaakan hagan mancaru kasalahan Daniel supaya buhannya kawa maulah Daniel bamasalah lawan raja.



Kada paduli kayapa buhannya mancuba, buhan pamimpin ngintu kada kawa mandapat kaburukan Daniel. Daniel manggawi hal nang bujur tarus dihadapan raja. Jua, inya bahati-hati banar lawan pandai, lawan manggawi sabarataan nang tabaik nang inya kawa.



Pamimpin nang camburu ngintu ada sabuting cara nang kawa digawi hagan manjabak Daniel. Buhannya tahu pada kada ada sabutingpun di dunia ngini nang kawa mahantiakannya hagan manyambah Allah Israel.






Musuh-musuh Daniel manjalanakan rancana buhannya. Buhannya maulah hukum hanyar nang kawa ditanda tangani raja. Hukum ngintu manyambat sabarataan urang Cuma bulih badua ka raja Darius. Siapa nang malanggarnya pacangan dimasukakan ka dalam gua singa.



Raja Darius manyatujui hukum ngintu.



Hukum hanyar ngintu
dibarlakukan kada dikacualiakan
Daniel. Inya manggawi napa
nang saharusnya digawi. Inya
balutut dimuka jendela nang
tabuka tiga kali sahari, lawan
badua ka Bapa di Surga.



Buhan pamimpin nang camburu ngintu lakas bapadah ka raja. Raja Darius kadada pilihan hagan manangkap Daniel. Hukum ngintu sudah balaku. Daniel pacangan mati. Raja bapikir karas, tapi kada kawa manamuakan jalan hagan maubah hukum ngintu.



Daniel diguguri hukuman mati lawan cara dimasuki ka dalam gua singa. Sabalum Daniel ditimbai ka singa-singa lapar, raja Darius baucap ka inya, "Allahmu, nang sudah ikam sambah, Inya pacangan manyalamati ikam."



Raja kada kawa guring malam ngintu. Subuh-subuh isuknya, inya lakas ka gua singa.






Raja Darius bakuciak.
"Daniel, palayan Allah
nang hidup, Allahmu
nang ikam layani saban
hari sudah manyalamati
ikam matan singa-singa
lapar ngintu kah?" Luku
inya kada pacangan
maharapakan jawaban.
Tapi Daniel manjawab!



Daniel baucap,
"ya raja, Allahku
sudah mangirim
malaikat-Nya lawan
manutup muntung singa-singa
ngini, jadi buhannya kada kawa
manyakiti aku! Lawan
jua, ya raja, aku
kada suah
manghianati
ikam."



Raja Darius arai banar! Inya mambawa
Daniel kaluar matan gua singa ngintu.



Raja tahu pada Allah
pacangan manyalamati Daniel
lawan musuh Daniel adalah musuh
Allah jua. Raja mambari parintah,
sabarataan urang nang sudah
mancurangi inya hagan
manandatangani
hukum nang
kada baik ngintu
ditimbai ka
dalam gua singa.
Singa mamakan
buhannya
barataan.



Raja Darius handak saluruh dunia tahu pada Bapa di Surga malindungi palayan-Nya nang satia, Daniel. Raja manulis surat nang mamarintah sabarataan urang manyambah Allah nang hidup. Lawan raja mambuliki kahormatan lawan kapamimpinan Daniel.



Daniel di Gua Singa

Sabuting kisah matan Firman Tuhan, Alkitab

Taulih dalam

Daniel 6

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

